



Publicaziuns dalla vischnaunca, jamna 30

Fiasta digl 1. d'uost a Disentis/Mustér

Gievgia, igl 1. d'uost 2019, naven dallas 18.00 sin la piazza avon casa communal
(en cass da malaura en halla Cons)

Program:

Naven dallas 18.00: aperitiv offerius da Sedrun Mustér Turissem. Ustria cun differentas specialitads regionalas preparadas da Gastro Disentis/Val Medel. Musica da divertiment Duo Desertina.

Allas 20.00: beinvegni entras Simona Barmettler, directura da SDT silsunter plaid festiv entras cusseglier naziunal Martin Candinas.

Naven dallas 20.30: differentas producziuns;

– Sunatibas Posta biala Sumvitg

– Mattiu Defuns, il cantadur romontsch da Trun

Allas 21.00: tuchiez - baselgia sogn Gions e claustra

Allas 21.30: til da lampiuns (lampiuns vegnan mess a disposiziun e reparti avon casa communal)

Allas 24.00: finiziun dalla festivitàd

Nus selegrein sin Vossa viseta!

Vischnaunca Disentis/Mustér, Gastro Disentis/Val Medel, Uniun da gimnastica da dunnas Mustér, Uniun da costumes Mustér e Sedrun Mustér Turissem

Communicaziun – fiug artificial/bengalic

La suprastonza communal ha decidiu da desister egl avegnir sin fiug artificial/bengalic per tut las festivitàs en vischnaunca, cheutras era per la fiasta naziunala digl 1. d'uost. Cun quei segn demussein nus nies agir responsabel enviers la protecziun digl ambient e la natira. Nus supplichein da prender enconuschientscha da nossa decisiun ed engraziein per la capientscha.

Suprastonza communal Disentis/Mustér

Administraziun communal

Fiasta naziunala

Gievgia, igl 1. d'uost 2019 resta l'administraziun communal serrada igl entir di.

Bien engraziament per Vossa capientscha.

Administraziun communal Disentis/Mustér

Texaid – rimnada da vestgadira veglia

Cordial engraziament

La vischnaunca da Mustér ha obteniu la premiaziun d'argien dalla Texaid (www.texaid.ch) per rimnar vestgadira veglia. Per la valetaziun da quella premiaziun vegn cumparegliau il quantum da resti ch'ei vegnius rimnaus en relaziun dalla populaziun dalla vischnaunca.

La vestgadira rimnada vegn reciclada per crear novas materias ed il recav vegn surdaus a differentas organisaziuns caritativas. Nus engraziein a convischinas e convischins per lur agid cun deponer il resti vegl a Raveras.

Suprastonza communal Disentis/Mustér



Via d'uaul Punt da Brulf–Fontanivas Serrada dalla via

Muort las lavurs da construcziun per slargar e rinforzar la via d'uaul sto quella vegnir serrada per tut traffic motorisau sil tschancun naven dalla Punt da Brulf entochen tier il stan da sittar a Sars–Fontanivas. Per pedunzs e velocipedists ei il passadi adina pusseivels. Las lavurs da construcziun cuozan entochen miez fenadur 2019. Per sclariment stat il biro da planisaziun Enzler Bauleitungen, telefon 081 250 35 35 ni il selvicultur da revier Simon Cathomen, telefon 081 920 36 41 bugen a disposiziun. Nus supplichein da prender enconuschientscha da quests avis.

Bien engraziament per la capientscha.

Disentis/Mustér, ils 13 da mars 2019

Uffeci forestal Disentis/Mustér

Via d'uaul Runfoppa Sura Impediments da traffic

Muort lavurs da reparaturas e manteniment vid la via d'uaul da Pégn Rodund entochen Runfoppa Sura ei da quintar cun temps da spetga. Nus supplichein da risguardar las signalisaziuns el liug. Ordeifer il temps da lavur ei la via libra e carrabla senza impediments. Nus supplichein da prender enconuschientscha da quests avis.

Bien engraziament per la capientscha.

Disentis/Mustér, ils 12 da fenadur 2019

Uffeci forestal Disentis/Mustér

Via da meglieraziun Disla–Madernal: Serrada dalla via

Muort las lavurs da construcziun en connex cun la via da meglieraziun nr. G-2 denter la Val Lumpegna e Madernal sto la via da meglieraziun denter Disla e Madernal vegnir serrada per tut traffic motorisau e cun velos sil tschancun naven dalla Val Lumpegna entochen tier la via cantunala a Pardomat. Per pedunzs ei il passadi adina pusseivels. Per velocipedists exista in'utgida (bike e velo) sur Cavardiras. Las lavurs da construcziun cuozan entochen la **fin settember 2019**. Per sclariment stat il biro d'inschignier Iso Mazzetta (Ursin Venzin), telefon 081 943 17 22 bugen a disposiziun. Nus supplichein da prender enconuschientscha da quests avis. Bien engraziament per la capientscha.

Disentis/Mustér, ils 23 d'uost 2019

Uffeci da baghegiar ed infrastruttura Disentis/Mustér

Controlla da habitonts

Mortoris

Maria Rosalia Carigiet-Halter, naschida igl 1. d'october 1920, morta ils 19 da fenadur 2019

Severina Levy-Beck, naschida ils 19 da matg 1944, morta ils 20 da fenadur 2019

Messa alpestra Alp Russein

Gievgia, 1. d'uost 2019. Messa allas 11.30. Per quei di ei la via aviarta per tut il trafic.

Cordialmein envida *ils pursenavels dal alp Russein e Cavrein*